



UKA 2015/73  
1. december 2015  
Hans Aronsen

**Apeqquteqaat aallaavigalugu oqallinnissamik siunnersuut: Qanoq ililluta imeq sermerlu nunatta avataanut niuerutigalugu aningaasarsiutiginerusinnaavarput ?**  
(Inatsisartunut ilaasortaq, Anthon Frederiksen, Partii Naleraq).

Nunatta ilisarnaatigaa annertuumik sermersuarmik qallerneqarsimagami. pisuussutigisatsinnillu naliitsumik sermip aatsinneqartup imermik annertooujussuarmik nunarsuup sinneranut pilersuisinnaavugut.

Nunarsuup sinnerani angallannikkut assartuussinikkullu erngup tunisassiarineqarnera periarfissagissaartupilussuuvog, taamaattorli tamanna unammillerlugu erngup sermillu tunisassairineqarnerini naalackersuinnikkut nukittorsaataasunik suliaqartuarnissaq Inuit Ataqatigiinniik pingaartitaraarput.

Imminut pilersornermut, nunattalu avataanut niuernitsinni imaatigut assartuusinerup eqaannerunissaa akikinnerunissaalu imermik tunisassiulersussanut ingerlareersunulluunniit pingaartupilussuuvog. Tamannalu naala kkersuinnikkut pimoorutivillugu ingerlanneqartuarnissaa nukissaqarfigineqartuaannartariaqarpoq, naammassisaqarnissallu tungaanut piaartillugu sulissutiguineqartariaqartoq kissaatingaarput.

Isumaqartuarpuguttaaq nunatsinniit erngup sermersuarneersup nunanit allanit allaanerumik aamma atornissaa pingaartilluinnartariaqaraa. Pingaartumillu nukissiuutitut tunisassiarineqarnissaa atorneqarsinnaanerattaq pingaartilluinnartariaqaripput Inuit Ataqatigiinniik isumaqarpugut. Tamannaammataaq avammut niivernermit siunissami pitsaasumik aningaasarsiornikkut sunniuteqarluarsinnaasoq.

Soorunami erngup nukissiuutitut tunisassiarineqarsinnaanera imaannaangitsuummat, nukissiap tamatumap qanoq katersorlugu poortorneqarsinnaanera qanorlu erngup sermillu avammut tunisassiarineqarsinnaaneri qulaarnaarniarlugit ullumikkornit naalackersuinnikkut pimoorunnerullugit suliarineqartariaqarput.

Kiisalu imermik sermimillu tunisassiorlutik misiliisarsimasut qujamasuffissaapput, misileraanermi sutigut nukilaaffeqarnitsinnik sutigullu nukittuffeqartariaqaraluarnitsinnik takutitsisarsimmata. Tassuunami ersersipparsi naalackersuinnikkut sinaakkusiornissaq mikisualuttuunngitsoq tamakkiisumilli suliarineqartariaqartoq.

Ilanngullugulu nuannaarutissaavortaaq soqutigisallit ilaasa ukiuni makkunani nunatta sermia kusanartumik avatitsinnut nittarsaammassuk, tassuuna takussutissaamat sermeq imerlu sorpassuartigut atorneqarsinnaalluartut.